

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) i tačke 10. stav (7) Programa utroška sredstava utvrđenih u razdjelu 17. Budžeta Federacije Bosne i Hercegovine za 2020. godinu Federalnom ministarstvu energije, rudarstva i industrije „Kapitalni transferi javnim preduzećima - finansiranje razvojnih projekata u Federaciji Bosne i Hercegovine iz oblasti namjenske industrije“ („Službene novine Federacije BiH“, broj: 87/20), Vlada Federacije Bosne i Hercegovine, na 249. sjednici, održanoj 28.12.2020. godine, donosi

ODLUKU

O IZBORU KORISNIKA SREDSTAVA UTVRĐENIH U RAZDJELU 17. BUDŽETA FEDERACIJE BOSNE I HERCEGOVINE ZA 2020. GODINU FEDERALNOM MINISTARSTVU ENERGIJE, RUDARSTVA I INDUSTRIJE „KAPITALNI TRANSFERI JAVNIM PREDUZEĆIMA - FINANSIRANJE RAZVOJNIH PROJEKATA U FEDERACIJI BOSNE I HERCEGOVINE IZ OBLASTI NAMJENSKE INDUSTRIJE“

I.

Iz Budžeta Federacije Bosne i Hercegovine za 2020. godinu („Službene novine Federacije BiH“, br. 99/19 i 28/20), u skladu sa Odlukom o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2020. godinu Federalnom ministarstvu energije, rudarstva i industrije „Kapitalni transferi javnim preduzećima - finansiranje razvojnih projekata u Federaciji Bosne i Hercegovine iz oblasti namjenske industrije“ („Službene novine Federacije BiH“, broj: 87/20), utvrđuje se raspodjela sredstava „Kapitalni transferi javnim preduzećima-finansiranje razvojnih projekata u Federaciji Bosne i Hercegovine iz oblasti namjenske industrije“ Federalnog ministarstva energije, rudarstva i industrije za 2020. godinu u ukupnom iznosu od 2.699.872,00 KM prema odobrenim zahtjevima, za finansiranje razvojnih projekata privrednih društava iz oblasti namjenske industrije, kako slijedi:

- Privrednom društvu IGMAN d.d. Konjic, ul. Donje polje br. 42 Konjic, odobrava se dodjela dijela sredstava iz tačke I. ove odluke u iznosu od 387.114,00 KM, za nabavku mašina i opreme za proizvodnju i pakovanje municije,
- Privrednom društvu BINAS d.d. Bugojno, ul. Armije BiH br. 171 Bugojno, odobrava se dodjela dijela sredstava iz tačke I. ove odluke u iznosu od 436.744,00 KM, za remont postojeće i nabavku nove peći za termičku obradu, kompresor, nabavku mitraljeza 40 mm MK19 za testna ispitivanja, izradu seta alata za lanser MGL 40 mm, alata za brizganje rukohvata, zaštitnika i kundaka, izvlačenje zaštitnika doboša, elektronsku mjernu opremu i komponente za elektronski modul za samolikvidaciju, oprema za lemljenje i izradu štampanih ploča, remont i servisiranje mašina Index GB65, GS 42 i Traub TNS 60, za elektrostatički pod površine 754,93 m² i nabavku sirovina i materijala,

- Privrednom društvu PRETIS d.d. Vogošća, Igmanska bb Vogošća, odobrava se dodjela dijela sredstava iz tačke I. ove odluke u iznosu od 426.818,00 KM, za nabavku i instalaciju laboratorije za ispitivanje kvalitete eksplozivnog liva (X-RAY mašina),
- Privrednom društvu BNT Tvornica mašina i hidraulike d.d. Novi Travnik, ul. Mehmeda Spahe br. 1, Novi Travnik odobrava se dodjela dijela sredstava iz tačke I. ove odluke u iznosu od 476.448,00 KM, za nabavku peći za termičku obradu, saniranje hale montaže, nabavku opreme (presa za stanz, alati za stanz, pomoćni alati i montažna linija) u cilju razvoja proizvodnje AKM 7,62X39 mm,
- Privrednom društvu ZRAK d.d. Sarajevo, ul. Adema Buće br. 148, Sarajevo, odobrava se dodjela dijela sredstava iz tačke I. ove odluke u iznosu od 287.854,00 KM, za nabavku mašina i opreme za proizvodnju za pogon optike, galvanizacije i za mehaničku obradu metala, te mjerne opreme za potrebe privrednog društva,
- Privrednom društvu TRZ Hadžići d.d. Hadžići, ul. 6. Mart broj 82 Hadžići, odobrava se dodjela dijela sredstava iz tačke I. ove odluke u iznosu od 337.484,00 KM, za projekat Razvoj automatskog bacača granata 40mm-AGL MX1 za aktivnost - izrada tehničke dokumentacije i projekat Tehnološka modernizacija kapaciteta za proizvodnju NVO, za aktivnost - nabavka opreme za proizvodnju,
- Privrednom društvu UNIS „GINEX“ d.d. Goražde, Višegradska bb, Goražde, odobrava se dodjela dijela sredstava iz tačke I. ove odluke u iznosu od 347.410,00 KM, za projekat nabavke šestovretenog automata TORNOS MULTISWISS 6x16.

II.

Sredstva iz tačke I. ove odluke isplatit će se iz sredstava Federalnog ministarstva energije, rudarstva i industrije utvrđenih u razdjelu 17. Budžeta Federacije Bosne i Hercegovine za 2020. godinu, ekonomski kod 6154 – „Kapitalni transferi javnim preduzećima - Finansiranje razvojnih projekata u Federaciji BiH“.

III.

Federalno ministarstvo energije, rudarstva i industrije će sa korisnicima grant sredstava sklopiti ugovore o realizaciji dodijeljenih grant sredstava, sa precizno definisanim elementima za utrošak sredstava, te pravima i obavezama ugovornih strana.

IV.

Korisnici sredstava iz tačke I. ove odluke dužni su dostaviti Federalnom ministarstvu energije, rudarstva i industrije izvještaje i materijalne dokaze o utrošenim grant sredstvima.

V.

Za realizaciju ove odluke zadužuju se Federalno ministarstvo energije, rudarstva i industrije i Federalno ministarstvo finansija - Federalno ministarstvo financija, svako u okviru svoje nadležnosti.

VI.

Ova odluka stupa na snagu danom donošenja i objavit će se u „Službenim novinama Federacije BiH“.

V. broj: 1802/2020
28.12.2020. godine
Sarajevo

